

永樂大典

卷〇七二四 唐字

卷〇七二五 唐字

卷〇七二五 唐字

永樂大典卷之七千一百四

十八陽

唐

宣宗

新唐書本紀宣宗元聖至明成武獻文睿智章年武宗疾大漸孝皇帝諱忱憲宗第十三子也母曰孝明皇太師皇帝位于柩

王性嚴重寡言宮中或以為不慧會昌六年武宗疾大漸左神策軍護軍中尉馬元贇立光王為皇太叔三月甲子即皇帝位于柩前四月乙亥始聽政尊母為皇太后丙子李德裕罷辛卯李讓夷為司空五月乙巳大赦翰林學士承旨兵部侍郎白敏中同中書門下平章事辛酉封子溫為鄆

王漢雅王湮雅王滋慶王七月李讓夷罷八月辛未大行宮火壬申葬至道昭肅孝皇帝于端陵九月鄭肅罷兵部侍郎判度支盧商為中書侍郎同中書門下平章事雲南蠻寇安南經略使裴元裕敗之十二月戊辰朔日有食之大中元年正月壬子朔獻于太清宮癸丑朝享于太廟甲寅有事于南郊大赦改元復左降官死者官爵賜文武官階勳父老帛文宣王後及二王後三恪予一子官二月癸未以旱避正殿減膳理京師

因罷太常教坊習樂損百官食。出宮女五百人。放五坊鷹犬。停飛龍馬粟。
三月廬商罷。刑部尚書判度支崔元式為門下侍郎。翰林學士承旨戶部
侍郎韋琮為中書侍郎同中書門下平章事。閏月大復佛寺。四月己酉。皇
太后崩。五月張仲武及奚北部落戰。敗之。吐蕃回鶻寇河西。河東鄆度使
王宰伐之。八月丙申。李回罷。庚子。彝真獻皇太后于光陵。十二月戊午。貶
太子少保李德裕為潮州司馬。二年正月甲子。群臣上尊號曰聖敬文
思和武光孝皇帝。大赦宗子房。未仕者予一人出身。賜文武官階勳爵。三
月封于澤為濮王。五月己未朔。日有食之。崔元式罷。兵部侍郎判度支周
瑒。刑部侍郎諸道鹽鐵轉運使馬植。同中書門下平章事。己卯。太皇太后
崩。七月己巳。請圖功臣于凌煙閣。十一月壬子。彝懿安太皇太后于景陵。
貶韋琮為太子賓客。分司東都。三年二月。吐蕃以秦原安樂三州石門
驛藏木峽制勝六盤石峽蕭七關。歸于有司。三月詔待制官與刑法官諫
官次對馬植罷。是春。隕霜殺桑。四月乙酉。周瑒罷。御史大夫崔鉉為中書
侍郎兵部侍郎判戶部事。魏扶。同中書門下平章事。癸巳。幽州盧龍軍節
度使張仲武卒。其子直方自稱留後。五月。武寧軍亂。逐其節度使李廓。十
月辛巳。京師地震。是月。振武及天德靈武鹽夏二州地震。吐蕃以維州歸。

于有司。十一月己卯。封弟陽為彭王。十二月吐蕃以扶州歸于有司。四年正月庚辰大赦。四月壬申。以兩霖詔京師。關輔理因。蠲度支鹽鐵。戶部通負。六月戊申。魏扶薨。戶部尚書判度支崔龜從。同中書門下平章事。八月。幽州盧龍軍亂。逐其節度使張直方。衙將張允伸自稱留後。十月辛未。翰林學士承旨兵部侍郎令狐綯。同中書門下平章事。十一月。党項羌寇邠寧。十二月。鳳翔節度使李安業。河東節度使李拭。為招討党項使。五年三月。白敏中為司空。招討南山平夏党項行營兵馬都統。四月。赦平夏党項羌。辛未。給復靈鹽夏三州。邠寧鄜坊等道三歲。六月。封子潤為鄂王。八月乙巳。赦南山党項羌。十月。沙州人張義潮以瓜沙伊肅鄯甘河西蘭岷廓十一州歸于有司。白敏中罷。戊辰。戶部侍郎判戶部魏謩。同中書門下平章事。十一月。崔龜從罷。十二月。盜斫景陵門戟。是歲。湖南饑。六年三月。有彗星出于甯參。七月。雍王渼陂。八月。禮部尚書諸道鹽鐵轉運使裴休。同中書門下平章事。九月。獠寇昌資二州。十一月。封弟儒為王。是歲。淮南饑。七年正月丙午。朝獻于太清宮。丁未。朝享于太廟。戊申。有事于南郊。大赦。八年正月丙戌朔。日有食之。三月。以旱理。因九月。封子洽為懷王。洎昭王。汶康王。九年正月甲申。成德軍節度使王元逵卒。其子

紹鼎自稱留後。閏四月辛丑，禁嶺外民鬻男女者。七月，以旱遣使巡撫淮南，減上供饋運，蠲通租發粟賑民。丙辰，崔鉉罷。庚申，罷淮南宣歙浙西冬至元日常貢，以代下戶租稅。是月，浙江東道軍亂，逐其觀察使李訥。十年正月丁巳，御史大夫鄭朗為工部尚書，同中書門下平章事。九月，封子灌為衛王。十月戊子，裴休罷。十二月壬辰，戶部侍郎判戶部崔慎由為工部尚書，同中書門下平章事。十一年二月辛巳，魏謩罷。五月，容管軍亂，逐其經略使王球。七月庚子，兵部侍郎判度支蕭鄴，同中書門下平章事。成德軍節度副大使王紹鼎卒，其弟紹懿自稱留後。八月，封子瀛為廣王。九月乙未，有彗星出于房。十月壬申，鄭朗罷。十二年正月戊戌，戶部侍郎判度支劉瑒，同中書門下平章事。二月，廢穆宗忌日，停光陵朝拜及守陵宮人。壬申，崔慎由罷。閏月，自十月不雨，至于是月雨。三月，鹽州監軍使楊玄价殺其刺史劉皋。四月庚子，嶺南軍亂，逐其節度使楊發。戊申，兵部侍郎諸道鹽鐵轉運使夏侯孜，同中書門下平章事。五月丙寅，劉瑒薨。庚辰，湖南軍亂，逐其觀察使韓琮。六月丙申，江西都將毛鶴，逐其觀察使鄭憲。辛亥，南蠻寇邊。七月，容州將未正反伏誅。八月，宣歙將康全泰，逐其觀察使鄭薰。淮南節度使崔鉉，廉宣歙池觀察處置使，以討之。丁巳，太原地

震十月康全恭伏誅十二月毛鶴伏誅甲寅兵部侍郎判戶部蔣伸同中書門下平章事十三年正月戊午大赦蠲度支戶部逋負放宮人八月壬辰左神策軍護軍中尉王宗實立鄆王溫為皇太子權句當軍國政事癸巳皇帝崩于咸寧殿年五十謚曰聖武獻文孝皇帝咸通十三年加謚元聖至明成武獻文睿智章仁神聰懿道大孝皇帝贊曰春秋之法君弑而賊不討則深責其國以為無臣子也憲宗之弑歷三世而賊猶存至於文宗不能明弘志等罪惡以正國之典刑僅能殺之而已是可歎也穆敬昏童失德以其在位不久故天下未至於敗亂而敬宗卒及其身是豈有討賊之志哉文宗恭儉儒雅出於天性嘗讀太宗政要慨然慕之及即位銳意於治每延英對宰臣率漏下十一刻唐制天子以隻日視朝乃命輟朝放朝皆用雙日凡除吏必召見訪問觀察其能否故大和之初政事脩飭號為清明然其仁而少斷承父兄之弊宦官撓權制之不得其術故其終困以此甘露之事禍及忠良不勝冤憤飲恨而已由是言之其能殺弘志亦足伸其志也昔武丁得一傅說為商高宗武宗用一李德裕遂成其功烈然其奮然除去浮圖之法甚銳而躬受道家之錄服藥以求長年以此見其非明智之不惑者特好惡有不同爾宣宗精於聽斷而以察為明

無復仁恩之意。嗚呼！自是而後唐衰矣。董衡釋音：蕃，莫胡切；汭，而託切；塚，時克切。舊唐書本紀：宣宗聖武獻文孝皇帝諱忱，憲宗第十三子，母曰苟明皇后鄭氏。元和五年六月二十二日，生於大明宮長慶元年三月，封光王。名怡。會昌六年三月一日，武宗疾篤，遺詔立為皇太子，權勾當軍國政事。翌日，柩前即帝位，改今名。時年三十七。帝外晦而內朗，嚴重寡言，視瞻特異。幼時宮中以為不惠。十餘歲時，遇重疾，沈緘。忽有光輝燭身，蹶然而興，正身拱揖如對臣寮。乳媪以為心疾，穆宗視之，撫其背曰：「此吾家英物，非心慙也。」賜以玉如意，御馬金帶，常夢乘龍昇天，言之於鄭太后。乃曰：「此不宜人知。」母幸勿復言。歷大和會昌朝，愈事韜晦。群居游處，未嘗有言。文宗武宗幸十六宅宴集，強誘其言，以為戲劇，謂之光叔。武宗氣豪，尤不為禮。及監國之日，哀毀滿容，接待群寮，決斷庶務，人方見其隱德焉。四月辛未，釋服，尊母鄭氏曰皇太后，以兵部侍郎翰林學士承旨白敏中守本官，同中書門下平章事，以特進守太尉門下侍郎同平章事。上柱國衛國公食邑二千戶李德裕檢校太尉同平章事。江陵尹荆南節度使以中散大夫大理卿馬植為金紫光祿大夫刑部侍郎，充諸道鹽鐵轉運使，以成德軍節度使王元逵檢校太保，山南西道節度使王起檢校司空，魏博節度

使何弘敬淮南節度使李紳並檢校司徒劍南西川節度使崔郾檢校尚書右僕射同中書門下平章事並如故東都留守李石奏修奉太廟畢所迎奉太微宮神主祔廟訖東都太廟者本武后家廟神龍中宗反正廢武氏廟主立太祖已下神主祔之安祿山陷洛陽以廟為馬廐棄其神主而協律郎嚴郢收而藏之史思明再陷洛陽尋又散失賊平東京留守盧正已又募得之廟已焚毀乃寄主於太微宮大曆十四年留守路嗣恭奏重脩太廟以迎神主詔百官參議紛然不定禮儀使顏真卿堅請歸祔不從會昌五年留守李石因太微宮正殿圯侈以廢弘敬寺為太廟迎神主祔之又下百寮商議皆言准故事無兩都俱置廟之禮唯禮部侍郎陳商議云周之文武有鎬洛二廟今兩都異廟可也然不宜置主於廟主宜依禮廕於廟之北墉下事未行而武宗崩宣宗即位因詔有司迎太微宮寓主祔廢寺之新廟而知禮者非之制皇長男溫可封鄆王第二男浚可封雅王第三男滋可封蘄王第四男沂可封慶王五月左右街功德使奏准今月五日敕書節文上都兩街舊留四寺外更添置八所兩所依舊名興唐寺保壽寺六所請改舊名寶應寺改為資聖寺青龍寺改為護國寺菩提寺改為保唐寺清禪寺改為安國寺法雲居寺改為唐安寺崇敬居寺

改爲唐昌寺。右街添置八所。西明寺改爲福壽寺。莊嚴寺改爲聖壽寺。舊留寺二所。舊名千福寺。改爲興元寺。化度寺改爲崇福寺。永泰寺改爲萬壽寺。溫國寺改爲崇聖寺。經行寺改爲龍興寺。奉恩寺改爲興福寺。勅旨依奏。誅道士劉玄靜等十二人。以其說惑武宗。排毀釋氏故也。今月五日。敕書節文吏部三銓選士。祇憑資考。多匪實才。許觀察使刺史史。更有奇才異政之士。間薦試用。又觀察使刺史文代之時。明書所交戶口。如能增添。至千戶。卽與超遷。如逃亡至七百戶。罷役三年內。不得任使。又徙流人在天德振武者。官中量借糧種。俾令耕田。以爲業。以劔南東川節度使檢校禮部尚書盧商爲兵部侍郎同平章事。六月。以戶部侍郎充諸道鹽鐵轉運使馬植。本官同平章事。七月。以兵部尚書李讓夷爲劔南東川節度使。十月。勅太廟祫享。合以功臣配。其憲宗廟。以張度杜黃裳李愬高崇文等配饗。以荆南節度使李德裕爲東都留守。十一月。有司饗太廟。其穆宗室文曰。皇兄太常博士閔慶之奏。夫禮有尊尊而不叙親親。祝文稱謂未當。請改爲嗣皇帝從之。京兆府奏京百司職田斛斛請准會昌三年例。許人戶自送納京司。所冀州縣無能欺隱。從之。以江西觀察使周墀爲義成軍節度鄭滑觀察等使。十二月。刑部尚書判度支崔元式奏。准七月二日勅。

綾紗縠等次弱足段並令禁斷不得織造臣欲與監鐵戶部三司同條流
先勘左藏庫今分析出次弱足段州府即牒本道差官搜索狹小機杼令
焚毀其已納到次弱足段具數以聞工從之 大中元年春正月戊戌朔
官苑使奏皇帝欽齋行事內諸宮苑門共九十四所並令鎖閉鑰匙進內
候車駕還宮則請領從之戊申皇帝有事於郊廟禮畢御丹鳳門大赦改
元制條曰古者郎官出宰卿相治郡所以重親人之官急為政之本自漢
風火扇此道稍消頡頏清途便臻顯貴治人之術未嘗經心欲使冤百姓
艱危通天下利病不可得也為政之始思厚儒風軒墀近臣蓋備顧問如
其不知人疾苦何以膺朕眷求今後諫議大夫給事中中書舍人未曾任
判吏縣令或在任有敗累者宰臣不得擬議守宰親人職當撫字三載考
績著在格言真元年中屢下明詔縣令五考方得改移近者因循都不遵
守諸州或得五考畿府罕及二年以此字人若為成政道途郡吏有迎送
之勞鄉里庶民無蘇息之望自今須滿三十六箇月永為常式二月丁卯
制憲宗第十七子陽封彭王第十八子儒為王第五子澤為濮王第六
子潤為鄂王初修百福殿以檢校太尉東都留守李德裕為太子少保分
司東都以給事中鄭亞為桂州刺史御史中丞桂管防禦觀察等使二月

丁酉禮部侍郎魏扶奏。臣今年所放進士二十三人。其封彥卿崔瑒鄭延休等三人。實有詞藝。為時所稱。皆以父兄見居重位。不敢令中選。詔令翰林學士承旨戶部侍郎韋綜重考覆。勅曰。彥卿等所試文字。並合度程。可放及第。有司考試。祇在至公。如涉請托。自有朝典。今後但依常例放榜。不得別有奏聞。帝唯好儒士。留心貢舉。有時微行人間。採聽輿論。以觀選士之得失。每山池曲宴。學士詩什屬和。公卿出鎮。亦賦詩餞行。凡對臣寮。肅然拱揖。鮮有輕易之言。大臣或獻章疏。即燒香盥手而覽之。當時以大中之政。有貞觀之風焉。又勅自今進士放榜後。杏園任依舊宴集。有司不得禁制。武宗好巡遊。故曲江亭禁人宴聚。故也。閏三月。勅會昌季年併省寺宇。雖云異方之教。無損焉。理之源中國之人。久行其道。釐革過當事體未弘。其靈山勝境。天下州府應會昌五年四月所廢寺宇。如有宿舊名僧。復能修創。一任住持。所由不得禁止。四月。積慶太后蕭氏崩。謚曰貞獻。文宗母也。六月。以義成軍節度使周墀為兵部侍郎判度支。策黯憂。斯王子為英武。誠明可汗。命鴻臚卿李業入蕃策拜。以金紫。光祿大夫守太子少保。分司東都。上柱國。奇章郡開國公。食邑二千戶。牛僧孺守太子少師。銀青光祿大夫。行太子賓客。上柱國。隴西郡開國公。食邑二千戶。李彥佐為太

子太保。並依前分司。以左諫議大夫庾簡休為號州刺史。以正議大夫行尚書考功郎中知制誥上柱國崔璵為中書舍人。以中散大夫前湖州刺史彭陽縣開國男食邑三百戶令狐綯行尚書考功郎中知制誥。秋七月。制以正議大夫尚書戶部侍郎知制誥翰林學士承旨桂國賜紫金魚袋韋琮以本官同中書門下平章事。以太子少保分司東都衛國公李德裕為人所訟。貶潮州司馬。負外置。八月。工部尚書中書侍郎平章事盧商出為鄂岳觀察使。神策軍奏修百福殿成。名其殿曰雍和殿。樓曰親親樓。凡廊舍屋宇七百間。以會諸王子孫。九月。前永寧縣尉吳汝訥詣闕稱冤。言弟湘會昌四年任楊州江都縣尉。被節度使李紳誣奏湘賊罪。宰相李德裕曲情附紳。斷臣弟湘致死。詔下御史臺按鞠。二年春正月。壬戌。宰臣率文武百寮上徽號曰聖敬文思和武光孝皇帝。御宣政殿受策訖。宣德音。神策軍修左銀臺門樓屋宇及南面城牆至睿武樓。二月。制劍南西川節度光祿大夫檢校吏部尚書同平章事成都尹上柱國隴西郡開國公食邑二千戶李回。責授湖南觀察使。桂管防禦觀察使桂州刺史御史中丞鄭亞。責授梧州刺史。前淮南觀察判官魏錡。貶吉州司戶。陸渾縣令元壽。貶韶州司戶。殿中侍御史蔡京。貶澧州司馬。御史臺奏據三司推勘吳

相獄。謹具逐人罪狀如後。揚州都虞候盧行立。劉群。於會昌二年五月十四日。於阿顏家喫酒。與阿顏母阿焦同坐。群自擬牧阿顏為妻。妄稱監軍。便處分。要阿顏進奉。不得嫁人。兼擅令人監守。其阿焦遂與江都縣尉吳湘密約。嫁阿顏與湘。劉群與押軍牙官李克勳。即時遮攔。不得。乃令江都百姓論湘取受。節度使李紳。追湘下獄。計賊處死。具獄奏聞。朝廷疑其冤。差御史崔元藻。往揚州按問。據湘雖有取受。罪不至死。李德裕黨附李紳。乃欺元藻。嶺南。取淮南元申文案。斷湘處死。今據三司使追崔元藻及淮南元推判官魏錮。并關連人款狀。淮南都虞候劉群。元推判官魏錮。典孫貞高利。錢倚。黃嵩。江都縣典沈頌。陳宰。節度押牙白涉。鎮遏使傅義。左都虞候盧行立。天長縣令張弘思。典張沐。任清。陳迴。右廂子巡李行璠。典金弘舉。送吳湘妻女至澧州。取受錢物人潘宰。前揚州府錄事叅軍李公佐。元推官元壽。吳瑒。翁恭。太子少保分公司李德裕。西川節度使李回。桂管觀察使鄭亞等。伏候勅旨。其月勅李回。鄭亞。元壽。魏錮。已從別勅處分。李紳起此冤訴。本由不直。今既身歿。無以加刑。粗塞衆情。量行削奪。宜追奪三任官告。送刑部注毀。其子孫。稽于經義。罰不及嗣。並釋放。李德裕。先朝委以重權。不務絕其黨庇。致使冤苦。直到于今。職爾之由。能無恨嘆。昨以李

威所訴。已經遠貶。俯全事體。特為從寬。宜准去年初命處分。張弘思。李公佐。卑吏守官。制不由己。不能守正。曲附權臣。各削兩任官。崔元藻。曾受無辜之貶。合從洗雪之條。委中書門下商量處分。李恪詳驗狀。嘉害最深。以其多時。須議減等。委京兆府決脊杖十五。配流天德。李克勳欲杖阿顏。決脊杖二十。配流硤州。劉群據其狀。合議痛刑。曾劾職官。不欲決脊。決臂杖十五。配流岳州。其盧行立。及諸典吏。委三司使量罪科放。訖聞奏。三月。己酉。兵部侍郎判度支周輝。本官平章事。以禮部尚書鹽鐵轉運使馬植。本官同平章事。日本國王王子入朝。貢方物。王子善恭。帝令侍詔顧師言與之對手。五月己未。日有蝕之。六月己丑。太皇太后郭氏崩。諡曰懿安。憲宗妃。穆宗之母也。戶部侍郎兼御史大夫判度支崔龜從奏。應諸司場院官請却官本錢。後或有欺隱欠負。徵理須足。不得苟從恩蕩。以求放免。今後凡隱盜欠負。請如官典犯贓例處分。縱違恩赦。不在免限。從之。七月戊午。以前山南西道節度使高元裕。為吏部尚書。八月戊子。朝散大夫中書舍人充翰林學士上柱國平陰縣開國男食實封三百戶。賜紫金魚袋畢誠。為刑部侍郎。九月朔。比有無良之人。於街市投匿名文書。及於箭上。或旗幡上。縱為奸言。以亂國法。此後所由。切加捉搦。如獲此色。使仰焚燼。不

得上聞。十一月，兵部侍郎判戶部事魏扶奏：「天下州府錢物斛斛文簿，並委錄事參軍專判，仍與長吏通判。至交代時，其數申奏，如無懸欠，量與減選注擬。勅路隨等所修憲宗實錄舊本，却仰施行。其會昌新修者，仰並進納。如有抄錄得勅到，並納史館，不得輒留。」委州府嚴加搜捕，以戶部侍郎判度支崔龜從、本官同平章事銀青光祿大夫門下侍郎兼禮部尚書同平章事韋瓘為太子詹事、分司東都。三年春正月丙寅，涇原節度使康季榮奏：「吐蕃宰相論恐熱以秦原安樂三州及石門等七關之兵民歸國，詔太僕卿陸耽往喻旨，仍令靈武節度使朱叔明、邠寧節度使張景緒各出本道兵馬應接其來。」以太常卿封敖檢校兵部尚書為興元尹山南西道節度使。三月乙卯，勅待詔官宜令與刑法官諫官次對。銀青光祿大夫中書侍郎同平章事監修國史上柱國汝南縣開國子食邑五百戶周燾檢校刑部尚書梓州刺史充劔南東川節度使。四月，以正議大夫守中書侍郎同平章事集賢殿大學士賜紫金魚袋馬植為太子賓客、分司東都。以正議大夫守御史大夫上柱國博陵縣開國子食邑五百戶賜紫金魚袋崔鎔可中書侍郎平章事正議大夫行兵部侍郎判戶部事上柱國鉅鹿縣開國男食邑五百戶賜紫金魚袋魏扶可本官同平章事。五月，幽州

節度使檢校司徒平章事張仲武卒。三軍以其子直方知留後事。六月癸未。五色雲見於京師。勅先經流貶罪人。不幸歿於貶所。有情非惡逆。任經刑部陳牒。許令歸葬。絕遠之處。仍量事官給棺槨。康季榮奏。收復原州。及石門驛。藏木峽制勝六盤石峽等六關。訖。郿寧張君緒奏。今月十三日。收復蕭關。御史臺奏。義成軍節度使常讓於懷真坊侵街造屋九間。已令毀折。訖。勅於蕭關置武州。改樂安為威州。七月。三州七關軍人百姓。皆河隴遺黎。數千人見于闐下。上御延喜門撫慰。令其解辮。賜之冠帶。共賜絹十五萬匹。八月。鳳翔節度使李勣奏。收復秦州。制曰。自昔皇王之有國也。曷嘗不文以守成。武以集事。恭諸二柄。歸乎大寧。朕猥荷丕圖。思弘景運。憂勤庶政。四載于茲。每念河湟土疆。繇亘遐闊。洎天寶末。大戎來我。多難無方禦。奸逆縱腥羶。不遠京邑。事更十葉。時近百年。進士試解。靡不竭其長策。朝廷下議。皆亦聽其直詞。盡以不生遺事。為永圖。且守舊地。為明理。在苒於是。收復無由。今者天地儲祥。祖宗垂祐。左社輸款。邊壘連降。刷耻建功。所謀必尅。實振衡妙算。將帥雄稜。副玄元不爭之文。絕漢武遠征之悔。甌脫頓空於內地。斥候全據於新封。莫大之休。指期而就。况將士等。櫛沐風雨。暴露郊原。披荊棘而刁斗夜嚴。逐豺狼而穹廬曉破。動皆如意。古無

與京念此誠勤宜加寵賞。涇原宜賜絹六萬匹。靈武五萬匹。鳳翔邠寧各四萬匹。並以戶部產業物色充。仍待季榮叔明李玘君緒各迴戈到鎮。度支差脚支送四道立功將士各具名銜聞奏。當議甄酬。其秦威原三州及七關側近訪聞田土肥沃水草豐美如百姓能耕墾種時五年內不加稅賦。五年已後重定戶籍。便任為永業溫池鹽利可贍邊陲。委度支制置聞奏。鳳翔邠寧靈武涇原守鎮將士如能於本戍處耕墾營田即度支給賜牛糧種子。每年量得斛斗便充軍糧亦不限約定數。三州七關鎮守官健每人給衣糧兩分。一分依常年例支給。一分度支加給。仍二年一替換。其家口委長吏切加安存。官健有莊田戶籍者仰州縣放免差役。秦州至隴州已來道路要置堡柵與秦州應接。委李玘與劉皋即便計度聞奏。如商旅往來官健父兄弟通傳家信關司並不得邀誦阻滯。三州七關刺史關使將來訓練捍防有効能者並與超序官爵。歸南西川沿邊沒蕃州郡如力能收復本道亦宜接借。三州七關創置戍卒且要務靜如蕃人求市切不得通有來投降者申取長吏處分。嗚呼七關要害三郡膏腴候館之殘趾可尋。唐人之遺風尚在。追懷往事良用興嗟。表取不在廣貴保其金湯得必有時。詎計於遲速。今則使務修築不進干戈必使足食足兵有備。